

廣湖南考古略卷六

山川

長沙府

長沙縣

九龍山在縣東宋建白雲寺左有丹霞街相傳葛洪鍊丹處

天井山在縣東山有井四時不竭其北有古華山 宋劉錡有題古華山詩

高山在縣西有鳥常哺其上

尖山在縣西魏然一峯秀出天表亦名圭峯

谷山在縣西山有靈谷深遂名梓木洞下有龍潭詩雨輒應崖青綴花石可為硯 是山相傳明谷王棟

封長沙後入山為僧故山以谷名攷明史諸王傳棟謀不軌成祖召至京自焚化無為僧事

石寶山在縣北多奇石狀如鸞羊亦名鸞羊山又名東華山第十九福地昔成少卿昇仙之所仙壇丹臺

在焉

智度山在縣北最高者曰黑石峯唐時有將軍劉智度居此因名

書堂山在縣北唐歐陽詢讀書處今有洗硯池讀書堂

銅山在縣北楚鑄銅處

銅官山在縣東北山巔有井其影如珠故名亦名易公山為元易公得道處

銅官山在縣西北山土紫色內含雲母亦謂雲母山長沙雲母服之不朽

樓霞谷在縣西昔有橋順二子於此得仙服飛龍一九十年不飢故魏文詩曰西山有仙童不飲亦不食

即此也

廣湖南考古略

卷六

山川

湘江自衡州府衡山縣流入湘潭縣境又北流入善化縣境七十里入長沙縣境應邵曰湘水出始零山

湘水又東北過陰山縣西沐水從東南來注之又北過醴陵縣西澧水從東注之又北徑建甯縣故城

下又北過臨湘縣西縣南有西潭山湘水徑其南又北徑昭山西又北徑南津城西西對橘洲又北左

會瓦官水口又徑船官西左徑麓山東又右徑臨湘縣故城曰又右合麻漢水口又徑瀏口或西北對

瀏水又北澇水從西南來注之又北左岸有高山水又北右會鼻洲又北得陵子口又北徑銅官山又

北徑錫口成東又北枝津北出謂之門徑東北合門水又北徑黃陵亭西右合黃陵水口又北徑白沙

成西又北右會東町口澗水又北泚水注之又北徑壘石山又北對青草湖湘水至清雖深五六丈了

了石子如檣插大五色鮮明白沙如霜雪赤岸如朝霞湘水流出廣西與安縣流入境合瀟水沅水北

流環府城東北出至湘陰縣上青草湖注洞庭湖 湘江至城西北經三沙磯東江中有矮子洲又北

右受瀏澇水又北左會新康河口又北右會澇塘河又北左會靖港又北右會樟樹港右會喬口河接

湘陰縣界 湘江在府西環城而下源出廣西與安縣海陽山西北流至分水嶺分為二派曰瀨水流

而南曰湘水流而北由靈渠與瀨水會相猶相也言有所合至永州與瀨水合曰瀨湘至衡陽與沅水

合曰沅湘至沅江與沅水合曰沅湘會眾流以達洞庭

瀨水在府城內其水有九在長沙者六在善化者三平地瀨泉曰瀨又有三穿水二在長沙縣界一在善

化縣界江水伏流曰穿

瀏水在縣北西流入湘謂之瀏口

板石湖在縣西又有石家湖又五里有月池湖西北鸞羊山有鸞羊湖 縣境有板石楊家黃道鸞羊

大壩松林石家鸞鳳沈家月池巴茅楊柳泉坑齊家朱家大源馬場史家唐家李家南渡清水順頭大

鶴小鶴凡二十五湖

碧浪湖在縣北開福寺後一稱黑羅塘為五代楚王馬殷避暑處廣千餘畝
靖港在縣西北自寧鄉縣流至東北入湘唐李靖討蕭銑駐兵於此
銅官渚在縣西北銅官山下一作銅官浦舊傳楚鑄錢處

湘水右岸銅官浦出馬徑舊關羽分界於此鑄銅棺為智相侵者以銅棺貼之

丁字灣在縣北祖石舊鬼橫出岸外水至此出入紆迴形如丁字故名
蓮花池在府城內始興元年荆湖南路總管孔彥舟言於州城蓮花池內收得美玉一片堪家刻御寶詔
卻之

明月池在縣北相傳池在長沙星下放水不涸宋政和中命取醴陵明月石置池上因名

流杯池在縣北五里五代馬希範開為上已祓禊宴集之所

賈太傅井湘州南寺之東賈誼宅有井水最深
龍門泉在智度山頂內有龍居之禱雨有應

善化縣

虎形山在縣東山前一井相傳有虎飲泉伏不起旋化為石

龜峯山在縣東山前有寺有銀杏二一枯一榮歷二百餘年

嶽麓山在縣西亦名麓山一說志湘水左徑麓山東上有故城水經注長沙西岸有麓山其下有精舍左
右林嶺環迴泉澗精舍傍有巖石每至嚴冬其上不停霑雪荆州記山在長沙縣西南隔湘江水六里

蓋衡山之足也故以麓為名元和志第二十洞真墟福地在潭州嶽麓山杜光庭福地記嶽麓山又名
靈麓峯乃衡山七十二峯之一自湘西古渡登岸夾徑喬松翠澗盤繞諸峯疊秀下瞰湘江方輿勝覽

中有抱黃洞下有洞真觀乃東晉鄧郁之修丹處每歲至秋仙鶴常集於洞口左右有蓮林嶽麓二寺

廣湖南考古略

卷六

山川

唐軒轅瀛明常隱於此嶽麓書院居其中東有真君出西有舍利塔造鄉臺漢皇嬪白鶴泉風雲亭皆
佳致也

碧崖山在嶽麓山南宋劉珙建風雲亭於其上亦名風雲山與道鄉臺相左右

貽山在縣南接湘潭縣界一名馬山截江而起及立萬仞怪石磅礴異木層崖微露出雲舟過其下隱隱
見石窗岩窟窺擊莫及洵異境也

錫山在縣東南唐王錫隱此因名紫錫山見於隋志長沙有銅山錫山蓋產銅錫之山也明統志謂因
王錫得名錫乃唐處通閩郴州人隋志不應先有錫山之名謂錫隱是山則可謂山因錫名則誤也

關山在縣東南為峯峭板中有間道僅通單車唐末置龍回關於此故名唐末鄧處訥還將勸於此拒劉
建鋒

天臺山在縣西南一名天台山相傳彭祖師得道處人西南十里有神過山相傳國明祖師得道處

筆林山在縣西南下有龍潭相傳善覺禪師遊覺處

雲巖峯在縣西嶽麓山石有石縱橫二文出山外平砥可憩土人構亭其上如望衡嶽而拜因名曰拜嶽
石一名飛來石

妙高峯在縣南江流環帶諸山屏列

金牛岡在縣西漢武時有田父牽一赤牛背漁人求渡漁人曰舟小豈能勝牛田父曰但相容不重君船
於是牽牛及半牛莫於船田父曰以此相贈既渡漁人怒其污以橈撥棄水欲盡方覺是金訐其異購

之見人牛俱入嶺拙之不可得屠裝休鎮長沙嘗讀書金牛岡今有裝休書堂

抱黃洞在縣西北嶽麓山俗傳洞奇蟠懸魯陶侃射殺之後有遺家修鍊居此因名抱黃洞宋祥符中秀

水黎白於此遇道士張抱黃傳內八卦紫辭符之藏道

西嶼在縣西嶽麓書院石宋張栻朱子講學時所名

道林坪在縣西嶽麓山左以道林精舍得名

簞簞谷在縣西嶽麓山下谷在抱黃河口宋仙樂先生鍾尚書閉居游觀地土有吹香亭理宗親書仙樂

吹香亭五字

琿璋谷在縣南抄高峯下宋張栻建城南書院於此

清風峽在縣西嶽麓寺前雙峯相夾中有平地縱橫十餘丈

大禹拖船坳在湘江西岸麓山左一名禹蹟溪

禹蹟溪在山口距大江五里大禹疏鑿開山之徑

浦石在縣西湘江東南岸舊名黑石高三四丈上有大石如獅頭明推官蔡道憲嘗載酒登臨之又改今

湘江北流徑縣城西南至府城西水陸洲入長沙縣境 詳見水道

新江在縣西二十里一名瓦官水口一名劍江源出湘鄉縣大龜塔東北流徑寧鄉縣麻山南入東北入

縣界至黑石頭注於湘通楚大夫靳尚墓前因名

瓜洲湖在縣西西湖在縣西南湖在縣南一名東湖唐戴叔倫有暮春游長沙東湖詩 崔護有陪裴大

夫泛東湖詩 南湖舊屬納氏又名納湖宋張栻建城南書院時置聽雨舫采菱舟於內 郡城西臨

大江水急不能泊舟唐源有閩河通商之議

國朝乾隆十一年巡撫楊錫綬奏請開濬南湖旋復淤積二十一年巡撫陳宏謀築分水壩以刷沙泥開

月形築以暢水勢高民便之 按明唐源開河議善化南湖港在城外興功開濬有四利焉

蘭湖在縣西清風峽下湖畔多蘭故名一名石瀨

廣湖南考古略

卷六

山川

三

昭潭在縣東南昭山下其潭無底湘水最深處也或謂周昭王南征不復沒於此潭因名

蓮花潭在縣西南橋洲旁中產蓮花初秋涼夜花出水面香氣襲人

錫山潭在縣東南錫山下方可數畝上有龍神祠其水清澈四時早潦未嘗盈涸真德秀請封錫山龍神

橋洲在縣西湘江中俗名下洲 湘水又北徑南津城西西對橋洲為南津洲尾水西有橋子洲成故郭

尚存 洲在郡南四里對南津常看如下及夏水懷山諸洲皆沒橋洲獨在 湘江中有四洲曰橋洲

曰直洲曰碧洲曰泉洲夏月水泛惟此不沒多美橋故名老杜詩所謂橋洲田土仍膏腴者也諺云昭

潭無底橋洲浮

水陸洲在縣西橋洲尾湘水至此入長沙縣界

東池在縣東唐楊憑觀察湖南時開

祭蛙池在嶽麓書院前夏無蛙聲相傳宋張栻讀書於此取蛙聲貼耳祭之蛙自息

白鶴泉在清風峽泉出巖石中僅一勺許最甘冽冬夏不竭嘗有白鶴飛止其上故名

瀏陽門井在城內右側舊名天心臺俗名高井井下四旁各寬丈餘中心突出一峯值甲乙年峯東有水

陶公井在城南陶侃廟

鷺鷥井在縣治北一井兩孔四時清潔洗脂者得此水其色鮮豔異於尋常

白沙井在縣東南廣僅尺許味最甘冽汲之不竭

湘陰縣

玉池山在縣東又名玉池峯上有玉池相傳為晉陶淡浴丹地

神鼎山在縣東上有古井世傳晉陶淡鍊藥於此昔有人嘗獲其鼎一云山頂有石似寶鼎
白鶴山在縣東與玉池神鼎相接陶淡居此山學仙有二白鶴來故名山下有鴻水洞自山頂下注潭中
西流入湘

黃陵山在縣北一名湘山山下有黃陵亭湘水北極黃陵亭西黃陵山舜二妃墓在其上

汨羅山在縣北孤峰峙瀾羅江水中上有屈原墓

磊石山在縣北對青草湖或謂青草山亦謂五木山方尖如五木狀故名旁枕青草湖北接巴陵下臨湘
山口石壁森相疊園名舊名萬歲山下有萬歲寺時立湖東三面背水一面無阻然汲甚便樂岳飛討
楊么於此

玉筍山在縣東北一名石帆山在屈潭之左屈原故棲此山作九歌汨水又西徑玉筍山道士遺言此福
地也一日地郡山隋開皇初設玉州於此

筌竹岐在縣南世傳黃帝張樂於洞庭之野采筌竹於此

白魚岐在縣北

讀書坪在縣二十一都宋長沙畢田讀書處

湘江 詳見水道 自上靈潭入境江西為喬口稍北為驛馬潭又北徑文武二洲之間為鱸魚潭分流
為文涇江而西北流其西岸為陵子河北流經舊縣治西為小陵子河資水至此入湘江少北左會漢
河又北為楊雀潭又北左會埔帶口稍東北迤為蘆林潭右會縣河又北左徑糴峯口會楊水等潭又
北迤為南江潭又北通青草湖而石會湘羅江 湘水南自長沙縣界流入又北入青草湖元和志縣
西北有湘水達青草湖謂之湘口明史地理志白水江在縣東一名涓水源出白鶴山北流西折會靈
巖山水西北流至玉池清泉二山之水合流來會謂之同言口嘗紆而西又會神鼎山水至白水江口迤

為東湖一名澄鮮湖又折而西南徑縣學前亦名秀水又西徑城南會西湖水入湘江水淺湖則江
水逶迤自流一說志
錫江在縣西一說志湘水又北徑錫口成東又北左派謂之錫水西北流徑錫口成北又西北流屈而東
北注玉水焉水出西北至玉池東南流注於錫浦謂之玉池口錫水又東北東湖水注之水上承玉池
之東湖南流於錫浦謂之三陽徑水南有三成又東北注於湘水經注今縣治後二十里有上錫江下錫
江一說志江在縣北宋置錫江寨今江上有山平起居民以漁為業
文涇江在縣西即門徑口一說志湘水又北經枝津北出謂之門徑湘水紆流西北東北合門水謂之門徑
口水經注水流凡三十六折又名三十六灣一說志三十六灣水在縣南本湘江北流至縣門徑江口
乃分一派東流三十六折
袁江在縣南舊傳二妃泣處帝處
烏龍江在縣北三峯山下
采桑江在縣北相傳二妃采桑於此
汨水在縣北自岳州府平江縣流入西注湘水亦名汨羅江一說志昭公五年楚子以躬至於羅汨左傳
屈原懷石自投汨羅以死史記列傳汨水在羅故名應劭史記注羅縣北帶汨水水源出陸章艾縣界
西流注湘沿汨北去縣三十里為屈潭即原自沈處荆州記汨水又西徑羅縣北謂之羅水又西徑
玉筍山又為西涇潭即羅湖也汨水又西徑汨羅城南西流注於湘春秋之羅汨矣世謂汨羅口水經
注湘陰有汨水舊書地理志汨水東北自洪州建昌縣界流入西徑玉筍山又西徑羅國故城為屈潭
即屈原懷石自沈之所又西流入於湘江元和志長沙羅縣有屈原自投之川山川明淨吳於堂處民
為立廟在汨羅西岸側盤石馬頭尚存相傳原投川之日乘白驥而來

廣湖南考古略

卷六

山川

澗水在縣北自岳州府平江縣流入一統志澗水西過長沙羅縣西又西徑岳石山入於湘水澗澗水又西流積而為陂謂之可湖在羅水南流注於湘謂之東町口水澗注平江縣志無澗水而謂澗水即澗水致湘陰縣圖經縣東少北有丁傳二家湖西流會澗水又分流經汨羅祠之南為穆湖澗又西北流為和巴潭而入首旱湖疑是澗水故道

按澗澗音義並同澗即澗也故水澗言澗水處注即以澗中之猶醴陵之澗水經作澗其實一水也自義甯西流入平江者止一澗水自平江西流入湘陰者亦止一澗水澗水之源業安在乎一統志疑穆湖潭和巴潭為澗水故道是有流而無源也其說非是

青草湖在縣北南連湘水北過洞庭接岳州府巴陵縣界

鶴龍湖在縣西北舊名學糧湖以唐餼所資而名

車輪洲在縣北湘江之要隘也梁陸納遣其將吳藏等下樓車輪溫泉在縣北四十五里水清味甘不盈不竭冬溫如湯居民取以沃鹽

碧泉在縣西南澄碧如染泥田五十畝南入湘

孫隱山在縣東上有洗藥泉煉丹崖唐孫思邈棲隱之所

仙臺山在縣東二十里

望天山在縣東三十里昔有思婦登山以鐵刺樹等至今葉生如鐵刺者

七寶山在縣東七十里舊出鉛鐵礪砂青巖勝巖土黃鐵石因名又名小尖山

巨湖山在縣西一里一名大湖山又名西湖山

猿啼山在縣南澗水之南有隱相臺相傳唐某休讀書此山時聞猿啼山下有啞蛙池

九龍山在縣南石岫峻峭儼若盤龍中有池水極清徹

六龍山在縣東南六峯並起故名頂有石壘下有九洞總名石灰洞洞有石門石牀洞內有龍爪痕仙人蹟

大圍山在縣東北一名首禪山東接江西初昌縣界北接義甯州界頂有白沙湖亦名玉泉水流分四派

一入義甯州一入萬載縣一入岳州府平江縣一為澗水同德圍峽壘踞三縣因名大圍一統志第十三洞天大圍山周迴三百里名好生元上之天在潭州醴陵縣杜光庭洞天記

霜華山在縣西南一名石霜山北接洞陽山南抵醴陵縣界山峻水激觸石噴霜上有飛來塔又有虎窟泉

洞陽山在縣西北唐孫思邈鍊丹於此上有石壇山洞有潭澗水流入洞中石竇引光沙石朗然有龍跡

第二十四洞天洞陽隱觀之天在潭州浮邱公舊隱處傍有石壘壘前有物如丹世傳孫思邈所遺

山間有淨神龍居之

蓋澗洞在縣東北北接岳州府平江縣界南接寶蓋山石徑盤曲凡十八灣

古風巖在縣東中有溝水伏流至洞口復出灌田百餘畝亦名仙人洞相近有毛白石二巖巖中黑暗

廣湖南考古略

卷六

山川

明火可入有佛林鐘鼓茶杆橋梁皆白石生成
弄光巖在縣北峯皆異石渾然天成上懸一石橫出如舟俗呼為仙人座中有一穴極深上有羅漢龕唐
孫思邈丹竈

瀏水在縣南源出大圍山西北流入長沙縣界入湘名瀏陽水又名瀏川河一統志瀏水出臨湘縣東南
瀏陽縣西北過其縣東北與澧水合西入於湘水經瀏水出縣東江州豫章郡首譚山導源西北流
經其縣又西北注於臨湘縣水經注瀏川河二源俱出大圍山北曰大溪南曰小溪俱西流至縣東一
里合流名瀏川河稍西又會濟川水又經縣城南又西南流至會渭水石會淮水一名瀏渭河又西至
黃世入長沙黃界軍澧水經縣西南三十五里曰桓林浦折而西入長沙縣至驛館入湘水一
統志

淮水在縣城內源出道吾山老龍潭西流南折至縣西南入瀏川河一名龍津港

渭水在縣南源出黃洞嶺西北流會瀏川河入湘

濟川水在縣東北發源道吾山老龍潭東南流又號而西南徑洗藥橋下亦名洗藥橋港徑隄隄山東而

南入瀏川水

四十八灘在縣西自縣至長沙計水程二百里有雙竹楊柳金線長虹白館青石七星百步金沙靈壁山
栗桐車西施倒騎等灘

雙楓浦在縣南瀏水中一名青楓浦一統志瀏水至縣南三十五里高青楓浦縣有八景楓浦漁鱸店其

一云名勝志

洗藥井在洗藥橋下唐孫思邈濯丹之所

醴陵縣

廣湖南考古略

卷六

山川

六

小高山在縣東小瀉泉出此眾山環繞滿流中出采易波高之曰小高山即道書第十三洞天也

王仙山在縣東又名王喬山山有三石室室中有石林石曰世傳王喬鍊丹於此上有三空洞洞皆白雲洞

微明極處有小溪限隔不可渡山上有元時所建金真觀

西山在縣西一名靖興山有唐李靖遺像以靖曾駐兵於此

鳳凰山在縣西與梧桐山對峙故老云鳳凰非梧桐不棲故二山為醴陵兩翼

下仙山在縣南上有石壇世傳下令成得道之所

龍山在縣南有龍洞二有仙人碁石

胡道仙山在縣南俗傳有胡姓者嘗修道於此

建安山在縣北元朱居民立岩其上俗呼油岩寨

萊山在縣北昭公五年沈尹赤會楚次於萊山 舊有萊山書院宋呂祖謙講學於此

章仙山在縣北一名章龍山一名彰龍山道書七十二福地之一世傳藏真人得道之所名藏仙山後謫

今名

姜嶺在縣北相傳有姜士會居此俗稱為姜維嶺數峯屏峙如障

五老峯在縣西昔有樵人遇五老人於此後化為石

石燕洞在縣西南中產石燕又名石燕山

水簾洞在縣西南水從石山頂流下洞口如簾一名雨谷一名界圍巖 按唐柳宗元有桂林園巖水簾

風洞在縣西北以物投之輒大風不可止

詩

雙江在縣東合瀏陽縣及江西萍鄉縣水流入萍江

萍江在縣南源出江西萍鄉縣西流入縣界又西流入湘潭縣東南入湘水一名澗水又名萍江水

澗水出醴陵縣東流山西過其縣南屈從縣西北流至澗浦入於湘水經醴陵縣南賸澗水水東出安

成鄉翁陵山流澗聲相近後人籍便以澗為稱雖翁陵名異而即麓是岡水經注江東出萍鄉縣安陵

山其水清澗流至縣東會瀏陽水曰雙江口又西至縣西合飲水又西至縣西九十里名澗口其下為

小石澗有潭深綠如墨又西為大石澗與湘水合流一說志江發源有二一接萍鄉縣麻山水西至縣

東五十里名萍水一出瀏陽縣界白沙溪西南至雙江口會流經縣南學前澗水池名澗江又西流合

美嶺水由澗口入湘冊說澗水西北注於湘謂之澗口明史地理志

北江在縣西南自江西萍鄉縣流徑攸縣東北又西流徑縣西南西流注澗江名鐵江口以水濱石黑如

鐵而名一說志

角澗池在縣東一名青石潭一說志 宋天聖中丁少連侍母觀網魚得大鯉命贈之危人驚報魚預徒

然生角時魚已涸元少連曰魚若能變化分當再活試以水圍固如初遂放於青石潭慮為作送角

鯉文因以名池

澗水池在縣學前其水湧自池中如絲如霧用白器入水酌而澄之其色深綠可以書字每出則其斛料

學中式者必多

醴泉在縣北有醴陵陵上有井湧泉如醴因以名縣

昭山在縣東詳見善化縣以周昭王南征至此故名其地北界長沙山南有石穴世傳蛟匿其中魯許遜

逐之至此因為立廟山下有宋劉錡故宅

湘潭縣

陶公山在縣西多古木晉陶侃鎮潭州上築於此因以為名山山下臨潭潭曰錦石灣即陶侃釣魚潭潭畔

有石踞江擁沙而起色赤如錦因名

龍安山在縣西宋時有母女登山得桃啜之仙去今名冬桃嶺

韶山在縣西接湘縣界山甚深遠相傳舜南巡時奏韶樂於此因名縣亘百餘里湘潭寶鄉二縣水皆

出其麓

廣湖南考古略 卷六 山川

石龍山在縣西接衡山湘鄉兩縣界頂有石亭如龍首故名宋康宗民講學其下

曉霞山在縣南七十里衡山七十二峯之一其形東向日照其頂雲霞燦然一說志元善天麟築室講學

於上

隱山在縣東南相傳舜南巡經此

老僧出阿難久之明日老僧大其菴過去留詩石壁故名隱山

白雲峯在縣南乃朱陵洞天之東便門與前洞斷石源相通下有白雲洞

翠芭峯在縣南以形似名與祝融峯相望乃七十二峯之一

草衣巖在縣西相傳五代時蜀僧奉初初草為衣居巖中因名

湘江 詳見水道 自縣南石塘鋪入境東流會澗口即澗水口也又折而西北中有鼓磔州又北會易

俗河又北徑楊梅洲又北會湘鄉河又北徑縣城南繞流而東經縣城東又北至縣北界左倚昭山石

會新江入善化縣界一說志湘水經縣理東 縣西有湘水

清水在縣西一名易俗河源出衡山縣祝融峯之虎跑泉流徑縣西東十五里東北流入湘 易俗河在

縣西與青石塘峯合流入鄉穿有易俗鄉因名

按隋書地理志湘潭有思水蓋因思山而得名也思山在縣東南

湘鄉河在縣西發源澧水出寶慶府邵陽縣龍山安化縣珍珠山經湘鄉下流合縣境石潭雲湖二水入於湘

雲湖在縣西舊名沿湖受鳥石等四十八泉之水西山環繞湖水不波流田四十餘畝明舊志中隄澆水

昭陵灘在縣南接醴陵縣界怪石屹立水勢洶湧即泝水合湘江處

空冷灘在縣北一名空冷峽一名空靈岸一統志湘水入北徑建甯縣北有空冷峽驚浪奔雷湍同三峽

水經注李洪雅自零陵空靈灘舉泉出梁書王僧辨傳湘水有空冷灘十道志空靈灘土人謂之空洲

兩岸石如懸鐘因名府志空冷灘舉本紀及通鑑作空靈城典略又作空零城今從梁書王僧辨傳作

灘異地在縣南相傳晉陶侃洗硯於此

洗硯池在縣南相傳晉陶侃洗硯於此

瓜畝山在縣西相傳唐裴休嘗種瓜於此

大瀉山在縣西瀉水出焉唐裴休葬此山四方皆水故曰大瀉有青龍巖在山間前後左右各數十里號

蛟龍巨山在瀉水之間者皆隸焉山之隸瀉者凡峯之隸瀉者十有二巖之隸瀉者十有二谷之隸瀉

者四洞之隸瀉者四坪之隸瀉者二石之隸瀉者十有二

大霧山在縣南宋建天閣金兵至境劉廷佐擊兵於此

松山在縣東南一名松加山又有仰天湖大旱不涸相傳唐岳真入修鍊於此

鸞山在縣西南一名東鸞山宋遺民王顯謨隱此山多野鶩

廣湖南考古略

卷六

山川

五子山在縣西北瀉水所經元歐道實結廬於此植杉成林書五子牛山之木一章於壁因名

雲臺峯在縣東宋胡宏張伏嘗講學於此故又名道山上有書院遺址

翠峯在縣西北世傳唐張九齡九世祖居此

玉堂江在縣西大瀉芙蓉諸水合流成江相傳宋易祓以玉堂學士歸此鄉人榮之因名源出十泉峯南

流入瀉

瀉江 詳見水道 在縣西源出大瀉山東北流入長沙縣界名新原河又東北入湘一統志瀉水出益

陽馬頭山東徑新陽縣南又東入臨湘縣應瀉口成東南注湘水水經注甯鄉有瀉水水自大瀉山東

流至縣西左會玉堂江而徑孟子山南又東右會乾江又東至縣西南匯為屏潭又東石會烏江徑縣

治西南為洗馬潭稍東為玉潭江折而東北流左會紫溪稍東右會平江東北流至黃土潭入長沙縣

界一統志水之隸瀉者二十三以江河名者各一以溪名者七以潭名者二以井名者一以池名者

六以泉名者四

乾江在縣西源出三角岩水分兩支春秋水溢東北入瀉冬夏水涸則細流入湘鄉縣界

烏江在縣南源出湘鄉縣豐山東北流至縣界入瀉江臨江有石如馬故名

平江在縣西源出金盤山東北流江中有石如人立一名鼓石江入瀉

瀉江 詳見水道 在縣北源出慈甯縣經此入常德府沅江縣界注瀉處

玉潭在縣南門外 漢乾祐元年馬希萼以李靈攻益陽馬希廣遣指揮使崔洪遣將兵七十屯於湘鄉

之玉潭

湯泉在縣西南亦名反湯三泉竝湧有一坎上沸中熱下温上沸者可燒難中熱者可洗衣下温者可濯

足

益陽縣

陸賈山在縣南相傳漢陸賈使南越經此又吳陸遜嘗屯兵於此亦名陸家山

白鹿山在縣南上有龍漱峯崖古木清絕可愛唐裴休講道於此有白鹿銜花出聽因名

小廬山在縣北一名清修山上有香爐峯瀑布泉以其類九江匡廬山因名

五溪山在縣北一名軍山接常德府龍陽縣界相傳漢馮異潘濬討五溪蠻屯兵於此一統志益陽有

五溪山文獻通考

龜臺山在縣東南山形如龜東接蛇山相傳吳魯肅屯兵處

修山在縣西南史記黃帝登熊湘乃二山一為熊耳一為湘山相即修山一統志湘山應邵曰在益水之

陽漢書地理志注

浮邱山在縣西南相傳劉宋時浮邱公嘗居此鍊丹故名一名浮梁山峯巒倚伏亞於南嶽山頂有飛來

石屋

子良巖在縣西南宋子良隱處中有懸崖巨石清流激湍又梓梁巖在縣西南桃花水出焉巖壁高聳

古木叢茂山西石壁如削下有龍漱梁天監中邑人潘遠逸鍊藥此地伐梓樹為橋梁故名巖後遠逸

仙去

按明統志子良巖梓梁巖兩收一云宋子良隱處一云梁潘遠逸鍊藥地蓋子良即潘遠逸之字梓

梁巖即子良巖別稱也當以一統志梓梁巖一名子良巖為定

花間洞在縣西相傳盛原讀書處

資江詳見水道在縣南自寶慶府新化縣流徑安化縣西北名邵河又東北徑益陽縣南曰益陽江

廣湖南考古略

卷六

山川

九

又東北至常德府沅江縣界入洞庭湖其支流又自沅江縣東流至湘陰縣界入於湘江

喬江詳見長沙縣即高水在縣南資水北徑喬口入湘江一統志江在縣東其源資江分派流徑長

沙縣喬口故名

桃花江在縣西南源出梓梁巖西北流徑浮邱山北又北流四十里入資江

益水源自縣北五谿山東逕迎風橋又東北出謝家橋為西澇水有上下馬澇又東北至沅江界龍峽港

會甘溪水至千秋峽入資

四里河在縣西去安化縣界四里故名石灘澇澇兩岸森陰出為泥溪入資江

馬良湖在縣北蜀將馬良嘗駐此俗名五常湖

青龍灘在縣西五里自此往西二百里中凡徑十四灘

新設港在縣西明洪武初築陂澇水漲田甚廣故名

十洲在縣東南資水中布列江心宛若河圖之數水漲時分畫九者十洲者劉公千家黃花清水華林文

星煙波龜鹿羅漢五家也

關瀨在縣西南一統志甘肅隨魯肅鎮益陽拒關羽羽擇選銳士五千人投縣上流十餘里淺瀨云欲使

涉渡肅便選千兵益置竇乃夜往羽聞之不渡而結若今遂名此處為關羽瀨三國吳志縣有關羽瀨

所謂關侯瀨也南對甘肅故壘即關羽屯軍水北孫權令魯肅甘肅拒之於是水水經注瀨在縣西南

今青泥灣是也

諸葛井在縣東世傳漢諸葛亮聚人靈井在縣治內

金沙井在縣南俗傳有全人以杖撞地輒成井或云古人采金沙處莫詳其實也

湘鄉縣

石魚山在縣西山下多元石石色黑而理若雲母開發一重輒有魚形鱗鱗自尾究若刻畫長數寸燒之作魚膏腥因以名山在澗水北岸亦名石魚屏其北有飯籬山
石佛山在縣西上有石似佛

黃巢山在縣南相傳唐末黃巢駐兵於此

葛仙山在縣北上有丹竈及洗藥池高掃雲漢相傳葛仙翁鍊丹處

仙女山在縣北北接韶山麓亘百餘里為湘潭賢鄉二縣諸山之祖俗傳昔有龍氏三女於此山得仙因名

貞女山在縣西北宋末鄉民劉榮叔起兵拒元盡節於此因改名貞忠山
司徒嶺在縣西南五代時王全死節處

范鐸亭在縣東南三峯秀聳環列五代時范鐸隱此

澗水 卽藍田水詳見安化縣 在縣西源出安化縣龍安山奔流數里有石崖當路水入崖中伏流六七里分為三派流出入於澗

澗水在縣西源出寶慶府邵陽縣龍山東流徑縣南入湘潭縣西南注於湘一名湘鄉河一統志澗水東北過湘南縣南入東北至臨湘縣西南東入於湘水經澗水東入衡陽湘鄉縣石魚山又徑湘鄉又

徑徑其縣東而入湘南縣自湘南縣東流至衡陽湘西縣界入於湘水於臨湘縣為西南水經注水自

龍山北流入縣界至縣西折而東北會藍田水又會珍澗水而東流徑盤山南合測水又東徑加護

山北而東又北會鴨橋水南會荷葉市水水流始大繞縣治東會堯塘水而東流至縣東入湘潭縣界

流至縣西東流入湘一統志水出龍山徑縣東南下流入於湘水明史地理志

測水在縣西南源出黃龍山東北入澗一統志水源出寶慶府邵陽縣定勝寺東下至十竹山合何公橋

廣湖南考古略

卷六

山川

十

水抵江口入澗

溫水在縣西北源出安化縣東南有二穴湧出一清一濁合為一溪四時常暖合涓江雷鳴洞之水入於

澗

洗筆池在縣北唐褚遂良販漳州都督行部至邑洗筆池上後人為立祠榜曰唐大都督褚公洗筆池宋

咸清間縣令趙必稅於池中得斷碑上刻遂良湘潭偶題詩

鹽井在縣東南 澗水在縣南煮水一石得鹽五升五代馮氏嘗置地煮鹽得不償費而罷明洪武永樂

間亦嘗議煮旋廢

錦泉井在縣城內泉香如椒蘭釀酒殊勝若參以他水則變南香時有水責後江水泛溢失井所在宋至

道之間開此井以存其蹟名勝志香水在縣城郭內其水甚香昔年嘗貢此水民多困弊齊未固罷以板

覆之上起塔至今存湘鄉本謂之湘香由此而名湘中別記宋乾道間縣令黃良輔改開此井明永樂

中五亭其上明號志

銅坑龍井在縣東早可清而投以楮幣受則沈否則浮明洪武七年封為銅坑龍井之神命有司歲一致

祭

仙人井在縣東鳳音亭下昔常氏二女登仙洗藥於此

攸縣

司空山在縣東下有溫泉源舊名溫泉山亦名麒麟山南齊司空張忠隱此得道遂名司空山左右有三

十六峰

鶴嶺山在縣東山峻水清時有白鶴翔其上字彭天益常隱於此

紫麟山在縣東漢晉間有葛蘇二仙跨紫麟入山因名舊名麒麟峰

甘棠山在縣東下有天蓬巖泉出不竭世傳天蓬真人修鍊之所

嚴仙山在縣北相傳劉宋時嚴起同弟肅修鍊於此有紫雲覆之因名其下有七星巖一名嚴仙嶺二峯如螺巖洞內有嚴仙丹井

鳳嶺在縣東宋彭天益入對徽宗問依縣風景對曰鸞山配鳳嶺金水對銀坑元貞初邑人譚湖嘗於山下初鳳山書院

靈龜峰在縣東據飲水上流一統志紫雲山寺有靈龜崖崖上有水一泓時有二白龜出沒每出有紫雲覆其上

顯聖巖在縣東寶相寺後石屋左右有石窟如白有仙荷池洗藥池巖中有石林石窟藥臼棋盤世傳張司空居此

獻花巖在縣東世傳嚴起會眾仙於此白鹿銜花出巖因名

七星巖在縣北內有丹井石壁上刻詩云跨鷹昇天去遺蹤四季寒七日巖下隱行已滿驂鸞相傳嚴起昇仙時所作

泔江 詳見水道 在縣東源出衡州府鄧縣涇茶陵州西北至縣朱溪與飲水合 合飲水西流徑縣城南中有白茅洲又西至縣城西南中有武甲洲又西會陰山江水又西流至縣西界漢功入衡州府衡山縣界

飲水在縣東自江西安福縣流入西入泔水一名伯水一統志飲水又西北過飲縣南水經飲水出東南安城郡安復縣封侯山西北流徑其縣北帶飲溪蓋即漢以名縣飲水又西南流入茶陵縣入於泔水水經注水自安福縣東流至縣東司空山左會銀坑水而南流右會東江水又南流入泔一統志下流至衡山縣入於湘水明史地理志水至茶陵江口入於湘明統志

廣湖南考古略

卷六

山川

十一

銀坑水在縣東源出司空山西流入飲水

東江水在縣東源出鸞山西流入飲水

陽昇江在縣東源出大烏山西流合東江流入飲

羅浮水在縣東源出石室中有羅浮魚西流入飲

明月水在縣北源出明月山合嚴仙水北流入飲

金水在縣東北源出牌山西南流合明月嚴仙二水入北江

陰山江水在縣西北源出鳳凰山北分東西二流各繞山下合為一水南入於泔水

蔡公潭在縣東相傳漢蔡倫於此造紙

新波港在縣西明洪武初築陂澇水溉田甚廣故名

洗藥池在縣東司空山南相近有插劍泉相傳張司空插劍於此泉遂涌出一統志池為張岳洽丹之所

中龍須菜味甘可食日未出浮生水而日出則沒於水中人潔心以往則隨采可得若雜以葷腥苦澀不堪食明統志又洗藥井在縣東南

卓錫泉在城北北證果寺相傳有高僧卓錫出泉

清者泉在縣北三台洲

夏泉在縣西北廣三十畝清淺澄澈水涌如噴珠

安化縣

移風山在縣東相傳梅山猛人於此從化為名

二仙山在縣東北兩峰對峙上俱有仙人足蹟人稱為大仙小仙

梅山在縣西南接寶慶府新化縣界宋熙寧中章惇發兵開梅山道即此新化為上梅山安化為下梅山其山俱相通

金雞嶺在縣北有石似雞相傳永豐倉有巨雞守者捕之不見知石為怪因斷其喙

印文石在縣西資江畔一統志安化縣有印文石在田中大小八顆字畫宛然人或踐之即鳴雷湘中記

資江 詳見水道 在縣西東北流徑縣西北界少東南會敷漢而入益陽縣界

伊水在縣南源出黃柏界山東北流會沈香溪又東至縣東南會梅子溪繞縣東會巖漢又北會仙溪入資一名敷漢

藍田水在縣東南一名涓江源出大步嶺南流徑湘鄉縣西北又南入漣一統志江有二源皆出縣界流數里入石巖中約五里許復出有三穴漢鴻池而為潭又東流入漣水亦漣水別源也

邵河在縣西源出靖州綏寧縣澗谷由寶慶府新化縣至縣界下益陽縣入洞庭湖

巖漢在縣東源出砦子峯紆迴至縣東北合伊水入資江

梅溪在縣東源出東山西北流至縣西北與羅嫩溪同出四里河入沈溪

梅子溪在縣南源出橋子巖北流合洞溪入伊水

沈香溪在縣西南源出浮青山東流合伊水入資江

善溪在縣東北源出常德府武陵縣南流入資江相傳善卷嘗隱此

高覆洪在縣西北虎口巖下石險而窄相傳高治水至此下有禹廟

明鏡泉在縣南水清如鏡分流眾溪四岸平坦深不可測至湘鄉縣入漣水

溫泉有四二在常豐鄉二在安鄉皆冬溫夏冷惟在常豐田心者天將雨則水先涸

廣湖南考古略

卷六

山川

十一

茶陵州

景陽山在州東接江西永新縣界一名茶山 茶陵縣以南臨茶山故名 史記炎帝葬於茶山之野

山即景陽山

雲陽山在州西沙土之地雲陽之墟可以避時可以隱居雲陽氏古之仙人姓氏因號雲陽山上有七峰

又有百靈閣真仙洞玉華洞赤松壇般若巖之類真仙洞一名秦人洞赤松壇一名赤松山

雲嶺在州北土產鐵

會仙峰在州東上有羅漢像石牀皆天成

雲巖在州東一名靈巖 會仙峰下有石室即雲巖也唐陳光問隱此 陳光問登第因名巖曰化龍寺

改今名

粟書石在州南突起如笏上有石函

涑江 詳見水道 在州東南自衡州府酃縣流入西北流徑攸縣南又南流入衡州府衡山縣界一名

涑水又名泥水其發源名涑泉水一統志茶陵泥水西入湘行七百里 漢書地理志涑水出茶陵縣上

鄉西北過其縣西又西北過攸縣南又西北過陰山縣南又西北入於湘水經水出江州安城郡廣興

縣太平山西北流徑茶陵縣南又屈而過其縣西北流地理志謂之泥水又西北徑其縣東又西徑思

口又西北與洋湖水會水經注水自州南入境西北流至州西南稍折而東右會顏江又東會沈江東

流徑州城南少東會百丈山水繞城東而北又會茶水少西會腰放水及青溪而西流徑城北又西北

流入攸縣界

滬江在州東南源出百丈山西北入涑

沙江在州東南滬江之北其地有三蛟泉引流而西入涑

沅江在州東南即衡州府酃縣沔渡水也西北流入沅

顏江在州西南源出黃臺山北流入沅

茶水在州東西流入沅水源出景陽山西北流過碗下合白鹿泉溪地理志茶陵有沅水西入湘水經謂之沫水即今茶水是也輿地廣記源出江西永新縣景陽山西流來合馬北入攸縣謂之攸水明史地理志水自州東西流左會月江水胎水西北會蒲江水南入沅一統志

廣湖南考古略

卷六

山川

十三